

## Styremøte i VBK

**Tid:** Onsdag 28.febr kl 18.00

**Stad:** Biblioteket

### Til stades:

Solveig, Petra, Mette V, Mette M, Bjørg, Magnhild

### Opning;

Ord for kvelden v/Solveig

## Saker

### 8/24 Referatsaker, orienteringar

Søndagsmiddagen som var tiltenkt arrangert på Jordbærstova den 18 febr. vart avlyst grunna for liten påmelding. Kan hende må ein tenkje alternative tidspunkt for å arrangere dette komande år.

Laget har motteke fint takkekort for fødselsgåve som vart vist fram i møtet.

Bygdafesten den 23. mars der laget har fått i oppdrag å stille med to medhjelparar samt ei skuffekake, ser ut til å vere ordna. Ein avventar nærare informasjon frå arrangementsansvarleg på kva oppdraget inneber/omhandlar.

Mette M har vore i kontakt med Sigrid Moldestad for å sjekke ut om det vil vere mogleg å få henne hit for ein konsert, følgjer opp dette til hausten.

Judith Krogh hadde avtalt med leiaren å kome innom møtet, ho tok bilete av nytt styre og legg det på laget si heimeside.

### 9/24 Aktivitet 5.mars, 8.mars

Arrangementet den 5. er i boks. Mette M har hatt kontakt med vertinnegruppa for denne kvelden. Det vert enkel servering og åresal.

Interessant program der Øivind S Kleppe vil fortelje om jobben sin i Stiftelsen Norsk Luftambulans. Møte er ope for alle.

Arrangementet på Kvinnedagen 8.mars skal vere på kantina på Valldal skule, og er eit samarbeid mellom fleire politiske parti, lag og organisasjonar.

Bygdekvinnelaget bidreg med eplesaft frå Linge som gåver til arrangementet, Solveig ordnar dette. Elles ingen oppdrag den kvelden.

### 10/24 Årets lag

Frist for innmelding av søknad er sett til 1.mars, og skal sendst til Norges Bygdekvinnelag.

Årets kåring vert kunngjort i Ålesund i juni 2024.

Det vart sendt inn ein grundig grunngjeven søknad sist år for arbeidsåret 2022. Dette året var det svært stor aktivitet i laget. 90års-jubileum med utgiven bok i tillegg til mykje anna.

Styret ser ikkje at ein bør sende inn ny søknad i år, kan vere greitt å avvente litt ettersom ein ikkje nådde opp førre år med den aktiviteten og engasjementet som hadde vore då.

### **11/24 Kurs – prosjekt Nøysemd**

Ein såg at sak om kurs og tiltak innanfor prosjektet Nøysemd heng saman.

Kan nytte nøysemd-prosjektet i samarbeid med kurs avvikla både for barn, ungdom og vaksne.

Ein del søknadsutfylling for å få tilskot til ulike tiltak gjennom Nøysemd. Søknad skal sendast til Norges Bygdekvinnelag.

Kursa kan ev. knyttast til ulike årstider, t.d.

*Vår: - Kurs relatert til eks. tekstil*

*Haust: - Kurs i div knytt til sinking.*

Solveig, Bjørg og Mette V følgjer opp og planlegg vidare for første kurs og knyter til seg ev. fagpersonar som kan vere kurshaldarar/rettleiingar.

*Solveig kallar inn til første møte.*

### **12/24 Eventuelt**

#### **Økonomi:**

Status for økonomien samt kontoutskrifter for siste månadane vart sett på.

Truleg ein gevinst i å ha kun til nødvendig drift på brukskontoen, og heller overføre meir til høgrentekonto. *Petra følgjer opp.*

#### **Skidag for 5.-10. klasse ved Valldal skule:**

Det er kome forespurnad frå FAU om laget kan bidra med eit tilskot for at elevane skal få avvikle skidag, sidan skulen ikkje kan koste dette.

Styret vedtek å bidra med kr 2000,- til dette tiltaket. *Petra følgjer opp.*

#### **Olsok 2024**

Bjørg, Mette, Magnhild var med å planlegge dette i 2023.

Ein bør tenkje ut korleis vi skal handtere dette i 2024. Bjørg har ikkje ønskje om å halde fram.

Eit arrangement som kan gje laget gode inntekter, men som føreset god gjennomføring.

Møtet slutt kl 19.45

Magnhild

skrivar